

Aruba Tourism Authority y Amstel Bright ta presenta Aruba Hi-Winds 2007

Na Fisherman's Hut

HADICURARI- For di awe 27 di Juni pa 2 di July Aruba lo ta sede di e di 21 edicion di Aruba Hi-Winds, 2007 cu lo tuma lugar na Fisherman's Hut na Malmok.

E aña aki e comicion organisador ta un grupo di hobennan dinamico cu hopi entusiasmo pa traha pa hasi e evento uno exitoso un biaha mas.

Aña pasa bou guia excelente di Jean Pierre (JP) van Eerenbeemt Aruba Hi-Winds a celebra 4 lustro di cual 2 tabata bou guia di JP y despues di 10 aña e ta pasa e batuta pa Wim Eelens pa sigui cu e bon trabou di organisa e Aruba Hi-Winds. ATA y comicion organisador kier a duna un danki especial na JP pa e bon trabou hasi den tur e añanan cu e la sa di pone e evento ariba pia. E aña aki e otro miembronan di e grupo di voluntario ta : Evert Bongers, Frank Eelens, Ron Henriques, Paul van Wolferen y Sven Goos.

Despues di e traspaso aki desde aña pasa Aruba Tourism Authority hunto cu e comicion nobo a cuminsa traha y a renoba algun aspecto di e deporte pa atrae mas participante nobo tanto local como internacional y a conta cu diferente cambio manera:

- Un website completamente renoba y re-diseña, mas dinamico y inovativo cu

hopi features y facil pa

nabega.

- un programa excelente caminda ta duna e parti tanto competitivo como esun

social hopi atencion y ta sigur cu e participantenan di e aña aki lo disfruta.

-Comicion organisador a tuma e iniciativa pa acerca comerciantenan local pa

apoya e evento cu ta un evento hopi educativo y recreativo cu ta yuda tene Aruba su jovennan activo y sano haciendo algo bon.

-Aruba Tourism Authority a pone un banner link riba e home page di e website oficial di Aruba, esta www.aruba.com loke ta haci acceso mas facil.

- Aruba Tourism Authority, via e oficinanan den exterior a promove e evento extensamente cu tremendo resultado

Historia di Aruba Hi-Winds:

Den añanan 80 e deporte di vela di windsurfing tabata den su piek di mas grandi. Y Aruba tabata un di e organisadornan di mas grandi di e deporte aki cu tabata tin super estreynan manera Robby Nash, Andres Brindal y Bjorn Dunckerbeck cu pa varios aña a participa den competencia na Aruba. Un deporte cu den su temponan di gloria diferente pais rond mundo tabata organisa y tabata atrae spectadornan di rond mundo. Aruba no a keda atras contando cu un clima perfecto durante 365 dia pa aña cu hopi



biento cual ta condicionan favorabel pa por organisa tipo di eventonan asina.

Desde 1996 Aruba Hi-Winds a cambia su site di Eagle beach pa Fisherman Hut y desde 1997 Aruba Hi-Winds ta ser organisa pa un ekipo dinamico di voluntario usando e mesun metodo y regla di PWA.

Awe Aruba Hi-Winds a bai over pa organisa competencianan solamente pa amateur y durante aña a agrega competencia di "Free Style" caminda surfistanan ta competi sanamente pa e corona di "King, Queen, Prince of the Huts" como tambe "Kid of the Huts" cu ta concentra ariba e muchanan di 7 y 8 aña y a agrega e "kick" nobo den e deporte aki cu ta Kite boarding.

Actualidad:

Awendia mientras cu e interes rondmundopacompetencianan di regatta a baha pa motibo di desaroyo y cu esaki falta di biento, por bisa cu Aruba ta un di e poco paisnan cu tabata riba e scema internacional di PWA cu a keda organisa su evento di hi-winds. Biento no ta un problema pa nos y sigur cu e ekipo dinamico di voluntario cu e evento tin actualmente kende tur diasabra na Fisherman's Hut ta duna atencion pa siña e chikitinnan cu tin interes pa siña e deporte aki les di wind surfing. Di e atencion aki a sali Aruba su deportista internacional Sara-

Quita Offringha cu ta ehempel bibo di e fruto di e scol di hi-winds di Aruba.

Categorianan:

Manera tur aña e evento ta ofrece competencia pa tur edad, mucha bou 14 aña, Junior entre 14-18 aña, masculino y femenino entre 19-34 aña y master 35 aña of mas den e siguiente disciplinan; slalom racing, long distance y freestyle. Tur interesadonan amantenan di e deporte aki por a inscribi via website www.aruba-hi winds.org tin pakete pa participantenan y no participante.

E comicion organizador ta hopi orguyoso di e programa di e aña aki.

Cu ta un programa top cu ta entretene tanto e participante como e fanatico y desde 28 di juni te cu 2 di juli tin caredanan henter dia cuminsando di 10 or di mainta riba beach di Hadikurari, freestylers lo competi pa e corona di "King, Queen, Prince of the Huts", Kite Boarding y tin inclui e fin di siman diasabra 30 di juni y diadomingo 1 di july hopi ambiente caminda Amstel Bright lo entretene tur presente ariba beach cu weganan divertido cu premionan fabuloso pa e ganadornan. Tambe lo tin presentacion "live" di e bandanan The Islanders y Sonic Lab. Participantenan internacional, regional y local:

Despues di tur e ehersicionan hasi pa rebiba e evento e aña aki ta mira fruto di e trabou hasi y ta logra mas participante internacional y ta conta cu mas di 100 participante di: Hulanda, Portugal, Hungria, Colombia, Venezuela, British Virgen Island, USA como tambe delgacionan di Bonaire y Curacao hunto cu esnan di Aruba como tambe lo tin cobertura di prensa internacional.

Patrosinadornan:

Aruba Tourism Authority y Amstel Bright como patrosinadornan principal hunto cu Red Bull kier a invita henter pueblo di Aruba pa apoya e evento y asisti na beach di Fisherman's Hut entre 28 di juni pa 2 di juli. Alaves e comicion organisador ta conta y ta gradici e lista largo di e otro patrosinadornan:

Mc Donalds Aruba, Coca Cola, Aruba Lottery, Bula, Vela, Coconuts Island Wear, Taste of Belgium, Vita Malt, Optica Oduber & Kan, Delifrance, Colombian Emeralds, Pro Tec, Panache, More 4 Less, Moomba Beach, Dunkin Donuts, ASD Hotel & Restaurant Equipment, Sailboard Vacations, The Entertainment Group N.V., Super Food Tempo, AAV, Spare Time, Zenitel, DA, Aruba Aloe, Dominos's Pizza, Cool FM Radio, ATCO y Serlimar.

